

شرقی آذربایجان 260 میلیون دولارلیق محصول، 52 اۆلکه‌یه صادر ائله‌دی

شرقی آذربایجان صنعت، معدن و تجارت سازمانین رئیسی بو ایلین اۆل دۆرد آییندا 52 اۆلکه‌یه 226 میلیون دولارلیق محصولون صادر اولماسیندان خبر وئردی.



شرقی آذربایجان صنعت، معدن و تجارت سازمانین رئیسی بو ایلین اۆل دۆرد آییندا 52 اۆلکه‌یه 226 میلیون دولارلیق محصولون صادر اولماسیندان خبر وئردی.

فارسین تبریزدن وئردیگی گوزاریشنه گۆره، شرقی آذربایجان صنعت، معدن و تجارت سازمانین رئیسی محمدجعفر عظمایی تبریز فرمانداری‌سینده غیره نفت صادرات گروهونون جلسه‌سینده دئدی: بو ایلین ایلک دۆرد آییندا، 226 مین 741 تون محصول 260 میلیون و 332 مین و 146 دولار ارزیشینده اوستانین گومروک یولو ایله اۆلکه‌دن صادر اولوب.

او آرتیردی: بو رقم‌لر چکی باخیمیندان کئچن ایله گۆره بیر درصد و ارزیش باخیمیندان 32 درصد چوخالیب. هابئله بو ایلین ایلک دۆرد آییندا 175 مین و 8 تون جور به جور محصول 379 میلیون و 604 مین و 254 دولار ارزیشینده شرقی آذربایجان گومروکلری یولی‌این اۆلکه‌یه وارید اولوب.

او آرتیردی: بو رقم‌لر کئچن ایله نیسبت چکی باخیمیندان 5 درصد و ارزیش باخیمیندان بیر درصد چوخالیب. بو ایلین ایلک دۆرد آییندا غیره نفت صادراتین مقصدی 52 اۆلکه و واریدات 36 اۆلکه‌دن اولوب.

او بونو دئماغینان کی بو موؤتده صادر اولان محصوللارین یوزده 35 صنعتی محصوللار اولوب، دئدی: صادرات چوخالماسی‌نین لاپ چوخو آزاد آراز صنعتی منطقه‌سینه مربوطدیر. اۆلکه‌نین بوتون صادراتی‌نین آماری بو ایلین ایلک دۆرد آییندا 12 میلیون دولاردیر کی کئچن ایله نیسبت 24.2 درصد چوخالیب.

لینک مطلب در سایت : <http://torki.tebyan-tabriz.ir/?MID=21&Type=News&id=434>